

# Jurnal terbitan UMP cemerlang

Oleh Meor Ahmad Nasriin Rizal Ishak  
meor.ahmad@bh.com.my

## Kuantan

International Journal of Automotive and Mechanical Engineering (IJAME) terbitan Penerbit Universiti Malaysia Pahang (UMP) terus menguasai tangga teratas dalam kedudukan jurnal terbaik Asia bagi bidang kejuruteraan automotif selama tiga tahun berturut-turut.

Pencapaian baru-baru ini sejajar data dikeluarkan oleh Scimago Journal Ranking (SJR) yang menunjukkan IJAME menduduki tangga ke-8 terbaik daripada 147 jurnal kejuruteraan automotif di dunia.


Ketua Editor IJAME, Prof Dr Md Mustafizur

Rahman, berkata peningkatan berbanding tahun lalu itu sekaligus menyaksikan jurnal berkenaan kekal mendahului kedudukan dalam Kategori Kejuruteraan Automotif pada peringkat Asia, selain berada di tangga ketiga Kategori Kejuruteraan Mekanikal.

“Rekod ini adalah yang terbaik sepanjang penerbitan IJAME sejak diindeks oleh pangkalan data SJR pada tahun 2012 sehingga kini. Usaha ini hasil kerjasama antara barisan editor IJAME dengan Penerbit UMP.

### Berkualiti tinggi

“Kami juga berbangga dengan pencapaian Journal of Mechanical Engineering and Sciences (JMES) yang disenaraikan SJR sebagai 10 jurnal terbaik Asia



bagi Kategori Teknologi Bahan Api,” katanya.

Selain itu, Prof Md Mustafizur berkata, JMES yang diindeks SJR pada tahun 2014 turut

menduduki tangga kedua dan keempat di Asia masing-masing bagi Kategori Kejuruteraan Pembuatan dan Industri serta Kategori Mekanik Bahan.

(Kiri) Prof Md Mustafizur bersama-sama sebahagian daripada barisan editor, Dr Muhamad Mat Noor, menunjukkan jurnal IJAME serta JMES.

Beliau berkata, kecemerlangan kedua-dua jurnal terbabit membuktikan kemampuan UMP menerbitkan artikel berkualiti tinggi.

## info

### IJAME

→ **Bertujuan** membentangkan pencapaian dan perkembangan terkini dalam penyelidikan saintifik di Malaysia serta luar negara kepada masyarakat dunia, terutama bagi merangsang dan menggalakkan pertukaran akademik antara saintis, jurutera serta penyelidik tempatan dengan asing.

→ **Disunting** oleh Lembaga Editorial dibarisi saintis dan penyelidik tempatan serta luar negara yang tersohor.

→ **Diterbitkan** dalam bahasa Inggeris untuk mengukuhkan pertukaran antarabangsa dalam penyelidikan akademik.